

Zbog svega navedenog, zahtijevamo od nadležnih a odgovornih institucija, da izvrše kontrolu stepena realizacije mjera iz okolišne dozvole sa posebnim akcentom na Čeličanu i da nas o svemu informiše.

S poštovanjem,

Zenica, 02.04.2020. godine

MZ TETOVO

MZ GRADISČE

MZ BANLOZI

MZ PODBRIJEŽJE

BOSNA I HERCEGOVINA
Federacija Bosne i Hercegovine
Vlada Federacije Bosne i Hercegovine
Ministarstvo okoliša i turizma

Hamdije Čemerlića 2
71000 Sarajevo

Tel: +387 33 726 700
Fax: +387 33 726 747
E-mail: fmoit@fmoit.gov.ba

Zenica, 16.04.2020.

Predmet: Informacija o realizaciji ključnih mjera za smanjenje zagađenja zraka u Zenici

Poštovani,

U vezi sa Vašim zahtjevom dobijenim e-mail-om od 15.04.2020. za dostavu informacija, a u vezi sa dopisom od strane MZ Tetovo, Gradišće, Banlozi i Podbrežje od 02.04.2020, „Problemi oko realizacije projekata iz okolišne dozvole u kompaniji AMZ, a koje je FMOIZ zaprimio putem maila 14.04.2020. dostavljamo Vam slijedeće informacije o stepenu realizacije ključnih projekata zaštite okoline. Kao što smo Vas informisali u našem dopisu od 31.12.2019. godine, ArcelorMittal Zenica je u novembru 2019. godine realizovao projekat drugog hibridnog filtera u pogonu Aglomeracija. Zvanično ispitivanje performansi hibridnog filtera provedeno je od strane ovlaštene laboratorije u periodu od 18.12. do 20.12.2019. i u izvještaju su potvrđene ugovorom garantovane emisije prašine nakon hibridnog filtera ispod 10 mg/Nm³.

U vezi sa realizacijom projekta BOF Sekundarnog otpašivanja u pogonu Čeličana, vruće probe i postepeno puštanje u rad sistema za sekundarno otpašivanje konvertora započelo je u petak, 03.01.2020. i tom prilikom je uočeno se sa ovim tehničkim rješenjem neće moći postići u potpunosti garantovane performanse, te je zbog toga je ugovaratelj Ekoplant iz Italije, izvršio potrebne dopune i ispravke na sistemu.

Kašnjenje u izvođenju vrućih proba i puštanju u rad sistema za sekundarno otpašivanje konvertora u trajanju od dva mjeseca je uzrokovano nemogućnošću prisustva ugovaratelja Ekoplant iz Italije na terenu zbog pandemije uzrokovane virusom Covid-19, pošto su svi uposlenici ugovaratelja trenutno u Italiji, a neki su i obolili od Covid-19 virusa. ArcelorMittal Zenica ulaže maksimalne napore da se što prije BOF sekundarni sistem otpašivanja pusti u rad ali ovo u mnogome zavisi stabilizacije trenutnog stanja u vezi sa zarazom Covid-19 virusa i otvaranjem Italije i mogućnošću dolaska ugovaratelja u Zenicu.

O terminu početka vrućih proba i puštanja BOF Sistema sekundarnog otpašivanja blagovremeno ćemo Vas obavijestiti.

Još jednom napominjemo da kompanija ArcelorMittal Zenica, bez obzira na novonastalu situaciju i vanrednu situaciju uzrokovanu pandemijom Covid-19 virusa i dalje ostaje pri svojoj namjeri da značajno smanji uticaj svojih operacija na okoliš u gradu Zenici, te je i dalje prvenstveno fokusirana na završetak realizacije glavnih projekata kapitalnih investicionih ulaganja kao što su projekat Sekundarnog otpašivanja na Čeličani i projekat rekonstrukcije Energetike (Toplana) odnosno ugradnje novih plinskih kotlova u ovom pogonu. Realizacijom svih navedenih projekata očekuje se smanjenje ukupne emisije prašine za cca.55%, smanjenje ukupne emisije SO₂ za cca. 73% i smanjenje ukupne emisije NO_x za 20% iz pogona i postrojenja ArcelorMittal Zenica u 2020. godini.

Za bilo koju dodatnu informaciju, stojimo Vam na raspolaganju.

S poštovanjem,


Azra Sivro
Direktor departmana Društvenog odgovornos, okoliš i QM
ArcelorMittal Zenica
ArcelorMittal Zenica
Bulevar Kralja Tvrtka I no.17
72000 Zenica
Bosnia and Herzegovina


tel. +387 32 46 70 05
fax +387 32 46 70 26
www.arcelormittal.com